

校重
古文辭類纂評註

十

評校
音注

古文辭類纂卷四十三

碑誌類下編三

韓退之李元賓墓銘○○

李觀字元賓其先隴西人也始來自江之東年二十四舉進士三年登上第又舉博學宏辭得太子校書一年年二十九客死於京師既殮之三日友人博陵崔弘禮葬之國東門之外七里鄉曰慶義原曰嵩原友人韓愈書石以誌之其辭曰

已乎元賓壽也者吾不知其所慕天也者吾不知其所惡生而不淑誰謂其壽死而不朽誰謂之天已乎元賓才高乎當世而行出乎古人已乎元賓竟何爲哉竟何爲哉

銘詞極感慨淋漓之
知致而元賓之一生可

方望溪曰荆川疑此文太略非也元賓卒年二十九其德未成業未著而信其死不朽又曰才高乎當世而行出乎古人則所以推大元賓者至矣曰竟何爲哉竟何爲哉則痛惜其才行者至矣若毛舉數事則淺之乎視元賓而

推大痛惜之義轉不得而見矣故公嘗以其詩配李杜而茲篇亦不之及也
○曾滌生曰誌中不稱元賓之長而銘詞著才高當世二語故爾可貴若通
首贊頌不休不足取信矣○本傳謂觀屬文不沿襲前人與韓愈相上下則
退之才高當世死而不朽之說不爲虛諛矣潘誠

隴西

今甘肅

博陵

郡名治今直隸定縣

崔弘禮

字從周，磊落有大志，通兵略，官至刑部尚書爲東都留守卒。

韓退之施先生墓銘○

後世表章經生之作不少能如此之簡潔耶

貞元十八年十月十一日太學博士施先生士句卒其僚太原郭伋買石誌其墓昌黎韓愈爲之辭曰先生明毛鄭詩通春秋左氏傳善講說朝之賢士大夫從而執經考疑者繼於門太學生習毛鄭詩春秋左氏傳者皆其弟子貴游之子弟時先生之說二經來太學帖帖坐諸生下恐不卒得聞先生死二經生喪其師仕於學者亡其朋故自賢士大夫老師宿儒新進小生聞先生之死哭泣相弔歸去聲同饋衣服貨財先生年六十九在太學者十九年由四門助教爲太學助教由助教爲博士太學秩滿當去諸生輒拜疏乞留或留或遷凡十九年不

歐公作胡安定墓表似模範此作

離太學。祖曰旭。

切呼玉

袁州宜春尉。父曰嫫。

切教略

豪州定遠丞。妻曰太原王氏。先

先生卒。子曰友直。

明州鄞。

茂晉

縣主簿。曰友諒。太廟齋郎。系曰。

先生之祖氏自施父。其後施常。事孔子以彰。讎為博士。延為太尉。太尉之孫始

為吳人。曰然曰續。亦載其迹。先生之興。公車是召。簪序前聞。于光有曜。古聖人

言其旨密微。箋注紛羅。顛倒是非。聞先生講論。如客得歸。卑讓肫。

切株倫

肫。出言

孔揚。今其死矣。誰嗣為宗。縣曰萬年。原曰神禾。高四尺者。先生墓耶。

方望溪曰。學通乎聖經教化。一世則志行之美。無俟毛舉矣。○劉海峯曰。於

說經一事。開拓鋪敘。文法極古。

明毛鄭詩。

嘉話拾遺。子魯與柳八韓。十八詣施士。句聽毛詩。

通春秋左氏傳。

新唐書。士句撰。春秋傳。未甚傳。

袁州宜春

唐袁州。治今宜春縣。縣屬江西廬陵道。

豪州定遠。

豪州。即濠州。今安徽鳳陽縣等地。定遠。縣名。今仍其故名。屬淮泗道。明州鄞縣。

即今鄞縣。屬浙江會稽道。施父。

魯大

施常。

施之常。字子恒。仲。尼弟子。見史記。

讎。

漢書儒林傳。施讎。字長卿。沛人。從田王孫受易。宣帝時為博士。

延。

漢順帝。陽嘉二年。為太尉。

然續。

吳志。朱然。字義封。本姓施氏。然。子績。字公緒。按續當作績。

肫肫。

貌。誠。

高四尺者。

禮檀弓。孔子曰。

晉。開之古也。墓而不墳。今丘也。東西南北之人也。不可以弗識也。於是封之。崇四尺。

樊氏家求書方望溪云樊文士也故首舉所著書

然而必出於己曾謙生云退之言屬文皆親切有味樊文所傳祇有二篇此贊樊文甚當

要子亦是解人

樊本不以政績名故略敘之

知聲爲餘事補之于後

韓退之南陽樊紹述墓誌銘

紹述河中人

○○

樊紹述既卒且葬。愈將銘之。從其家求書。得書號魁紀公者三十卷。曰樊子者又三十卷。春秋集傳十五卷。表牋狀策書序傳記紀誌說論今文讚銘凡二百九十一篇。道路所遇及器物門里雜銘二百二十。賦十。詩七百一十九。曰多矣哉。古未嘗有也。然而必出於己。不襲蹈前人一言一句。又何其難也。必出入仁義其富。若生蓄萬物。必具海含地負。放恣橫從。無所統紀。然而不煩於繩削而自合也。嗚呼。紹述於斯術。其可謂至於斯極者矣。生而其家貴富長而不有其藏一錢。妻子告不足。顧且笑曰。我道蓋是也。皆應曰。然無不意滿。嘗以金部郎中告哀南方。還言某帥不治。罷之。以此出爲綿州刺史。一年徵拜左司郎中。又出刺絳州。綿絳之人至今皆曰。於我有德。以爲諫議大夫。命且下。遂病以卒。年若干。紹述諱宗師。父諱澤。嘗帥襄陽江陵。官至右僕射。贈某官。祖某官。諱泳。自祖及紹述三世。皆以軍謀堪將帥。策上第以進。紹述無所不學。於辭於聲。天得也。在衆若無能者。嘗與觀樂。問曰。何如。曰。後當然已而果然。銘曰。

惟古於詞必已出降而不能乃剽西妙切賊後皆指前公相襲從漢迄今用一律寥寥久哉莫覺屬神徂聖伏道絕塞既極乃通發紹述文從字順各識職有欲求之此其躅厨玉切

方望溪曰守官一語括之蓋誌以文為主詳其行身治官則於首尾不稱樊文甚奇恐世無識故並舉其辭與聲之學以其於聲有獨得證於其詞無可疑耳章法與藍田縣丞廳壁記同○劉海峯曰紹述非真能文者公特與其交好又與已務去陳言之意相合以著詞必已出之宗爾○曾滌生曰若敘知聲如敘其於辭則冗長不警拔矣

金部郎中

魏始置唐因之屬戶部掌金寶貨物權衡度量等

告哀句

憲宗崩宗師以金部郎中告哀南方

綿州

治今四川綿陽縣

絳

州

治今山西新絳縣

三世策上第

開元中詠舉草澤科建中元年舉賢良方正直言極諫科元和三年四月宗師舉軍謀宏遠堪任將帥科

韓退之貞曜先生墓誌銘○

唐元和九年歲在甲午八月己亥貞曜先生孟氏卒無子其配鄭氏以告愈走位哭且召張籍會哭明日使以錢如東都供葬事諸嘗與往來者咸來哭弔韓

咸來哭弔韓氏方望溪伯高之喪孔子使子貢為之主故退

之得受其

生六七年吳至父云
郊天寶十年生

數語可想見其為人

于孟詩刻畫盡致

尊夫人其母也唐人也
往往輒此

氏遂以書告興元尹故相餘慶閏月樊宗師使來弔告葬期徵銘愈哭曰嗚呼
 吾尚忍銘吾友也夫興元人以幣如孟氏賻且來商家事樊子使來速銘曰不
 則無以掩諸幽乃序而銘之先生諱郊字東野父廷玢彬音娶裴氏女而選爲崑
 山尉生先生及二季鄴郢而卒先生生六七年端序則見長而愈騫涵而揉之
 內外完好色夷氣清可畏而親及其爲詩劇固衛目鉤衛音心刃迎縷解鈎章棘
 句叨音搯胃腎神施鬼設間見層出惟其大翫於詞而與世抹撥薩音人皆劫劫
 我獨有餘有以後時開先生者曰吾既擠而與之矣其猶足存耶年幾五十始
 以尊夫人之命來集京師從進士試既得卽去間四年又命來選爲溧陽尉迎
 侍溧上去尉二年而故相鄭公尹河南奏爲水陸轉運從事試協律郎親拜其
 母於門內母卒五年而鄭公以節領興元軍奏爲其軍參謀試大理評事挈其
 妻行之興元次於闕文音鄉暴疾卒年六十四買棺以斂以二人輿歸鄴郢皆在
 江南十月庚申樊子合凡贈賻而葬之洛陽東其先人墓左以餘財附其家而
 供祀將葬張籍曰先生揭德振華於古有光賢者故事有易名況士哉如曰貞

吳郡疆云意頗譏刺
孟簡而反用其語出
之斯爲微妙
仍以詩意作結

續其世系子女卒葬

贊處只此二句

曜先生。則姓名字行有載。不待講說而明。皆曰然。遂用之。初先生所與俱學同姓簡。於世次爲叔父。由給事中觀察浙東。曰生吾不能舉死吾知恤。其家銘曰。嗚呼。貞曜維執不猗。依同維出不訾。維卒不施。以昌其詩。

方望溪曰於當官無一語贊美位卑職散不足言也又曰此篇前後載朋友

哀戚賻恤中間志其高才而窮故末用閒語總結

張籍見送孟東野序注

興元 唐南鄭縣今陝

餘慶

姓鄭字業卿
和九居三月
元爲興元陽
尹人

樊宗師句

太時
子自

喪舍
在人
東持
都母

崑山

崑山江蘇、

威也，**鉞**作長

刺針字也解此

搯也取出

抹也

劫劫

也，有以後時

三句之似

即指應立名言、擠句、與

溧陽溧今

陽江縣、鄧

公尹河南南元尹和

水元
陸年
轉十

運使李翱分司洛河

中、與郊善、薦之
餘、慶、以爲判官、

閩鄉
閩今

簡

幾道元和九年九月自
事中爲浙東觀察使

不猗傍不

也、不訾輕不自

韓退之河南府法曹參軍盧府君夫人苗氏墓誌銘○

夫人姓苗氏。諱某。字某。上黨人。曾大父襲夔。贈禮部尙書。大父殆庶。贈太子太

師父如蘭仕至太子司議郎汝州司馬夫人年若干嫁河南法曹盧府君諱貽

有文章德行。其族世所謂甲乙者。先夫人卒。夫人生能配其賢歿能守其法。男

仍就其序而申言之

謹嚴中忽着兒女家
庭陶鈹歡樂語文氣
方不板滯

二人於陵渾女三人皆嫁爲士妻貞元十九年四月四日卒於東都敦化里年六十有九其年七月某日祔於法曹府君墓在洛陽龍門山其季女壻昌黎韓愈爲之誌其詞曰

赫赫苗宗族茂位尊或毗類脂切於王或貳於藩是生夫人載穆令聞爰初在家

孝友惠純乃及於行克嫺德門肅其爲禮裕其爲仁法曹之終諸子實幼瑣音

煢其哀介介其守循道不違厥聲彌劬時照切三女有從二男知教閭里歎息母

婦思效歲時之嘉嫁者來寧累累外孫有攜有嬰扶牀坐膝嬉戲謹爭既壽而

康既備而成不歉於約不矜於盈伊昔淑哲或圖或書嗟咨夫人孰與爲儔刻

銘寘墓以贊碩休

序其庸德不溢一辭濡職

上黨秦置郡今山西汝州治今河南其族世所謂甲乙者猶言第一之族龍門山在今南

洛陽縣西毗輔副也貳副煢孤獨劬美

韓退之唐河中府法曹張君墓碣銘○

有女奴抱嬰兒來致其主夫人之語曰妾張圓之妻劉氏也妾夫常語妾云吾常獲私於夫子且曰夫子天下之名能文辭者凡所言必傳世行後今妾不幸夫逢盜死途中將以日月葬妾重哀其生志不就恐死遂沈泯敢以其稚子汴見先生將賜之銘是其死不爲辱而名永長存所以蓋覆其遺胤子若孫且死萬一能有知將不悼其不幸於土中矣又曰妾夫在嶺南時嘗疾病泣語曰吾志非不如古人吾才豈不如今人而至於死於是邪爾若吾哀必求夫子銘是爾與吾不朽也愈既哭弔辭遂敘次其族世名字事始終而銘曰

君字直之祖謹父孝新皆爲官汴宋間君嘗讀書爲文辭有氣有吏才嘗感激欲自奮拔樹功名以見世初舉進士再不第因去事宣武軍節度使得官至監察御史坐事貶嶺南再遷至河中府法曹參軍攝虞鄉令有能名進攝河東令又有名遂署河東從事絳州闕刺史攝絳州事能聞朝廷元和四年秋有事適東方旣還八月壬辰死於汴城西雙邱年四十有七明年二月日葬河南偃師妻彭城人世有衣冠祖好順泗州刺史父泳卒斬州別駕女四人男一人嬰

嬰兒汴也方望微云
一語惻愴動人

兒汴也是爲銘。

圓死非命此處極應發揮以昭鑒戒文亦以盜了之想見當時藩鎮威力

逢盜死途中

「李肇國史補」張圓佐韓弘弘初秉節事無大小委之後乃奏貶圓多怨言及量移誘至汴州極歡而遣之行次八角店使人殺之按誌不明言

此爲韓弘諱也宣武軍節度使

韓弘也宣武軍治汴州河中府

河東道今山西蒲縣河東從事

河東道之從事也永濟縣虞鄉

今縣屬山西河東道河東

韓退之女挈壙銘○○

女挈

女居切

韓愈退之第四女也惠同而早死愈之爲少秋官言佛夷鬼其法亂

治梁武事之卒有侯景之敗可一掃刮絕去不宜使爛漫天子謂其言不祥斥

之潮州漢南海揭陽之地愈旣行有司以罪人家不可留京師迫遣之女挈年

十二病在席旣驚痛與其父訣又輿致走道撼合上聲頓失食飲節死於商南層

峯驛卽瘞道南山下五年愈爲京兆始令子弟與其姆音茂易棺衾歸女挈之骨

於河南之河陽韓氏墓葬之女挈死當元和十四年二月二日其發而歸在長

慶三年十月之四日其葬在十一月之十一日銘曰

姚氏云以刑部侍郎
稱少秋官此如以御
史稱端公之類皆拘
俗不與雖昌黎爲之
而不足法
道游前事乃女致死
之由

汝宗葬於是汝安歸之惟永寧

潮陽不貶即女不至死言下似尚有餘慨

溫讀

梁武

姓蕭名衍南蘭陵人齊而自立崇信佛

潮州

一曰潮陽郡屬嶺南道領海陽潮陽程鄉三縣漢時爲南海揭

陽地按今南海屬廣東潮陽縣屬潮循道商南以商縣析置屬南縣明時

柳子厚故襄陽丞趙君墓誌銘

○

兆辭似左

貞元十八年月日天水趙公矜年四十二客死於柳州官爲斂葬於城北之野
元和十三年孤來章始壯自襄州徒行求其葬不得徵書而名其人皆死無能
知者來章日哭於野凡十九日惟人事之窮則庶於卜筮五月甲辰卜秦謝
切兆之曰金食其墨而火以貴其墓直丑在道之右南有貴神冢土是守乙巳
于野宜遇西人深目而髯其得實因七日發之乃覩其神明日求諸野有叟荷
杖而東者問之曰是故趙丞兒耶吾爲曹信是邇吾墓噫今則夷矣直社之北
二百舉武吾爲子蒞焉撮音辛亥啟土有木焉發之緋非音衣緞側切緞緞凡自家之
物皆在州之人皆爲出涕誠來章之孝神付是叟以與龜偶不然其協焉如此

精處六句狐兔之悲
無窮感慨王文成極
旅文之所由出

哉。六月某日就道。月日葬于汝州龍城縣期城之原。夫人河南源氏。先沒而祔之。矜之父曰漸。南鄭尉。祖曰倩之。鄆州司馬。曾祖曰吼。且晉安。金紫光祿大夫國子祭酒。始矜由明經爲舞陽主簿。蔡帥反。犯難來歸。擢授襄城主簿。賜緋魚袋。後爲襄陽丞。其墓自曾祖以下。皆族以位。時宗元刺柳。用相其事。哀而旌之以銘。銘曰。

誨也。挈

契入聲

之信也。蕝之有朱。其紱音弗神具列之。懇懇來章。神實恫通音汝。錫之

老叟。告以兆語。靈其鼓舞。從而父祖。孝斯有終。宜福是與。百越秦秦。羈鬼相望。有子而孝。獨歸故鄉。涕盈其銘。旌爾勿忘。

簡古峭絜。不失柳州本色。

潘麟

天水

郡名。今甘肅通渭縣西南。

柳州

治今廣西馬平縣。

襄州

治今湖北襄陽縣。

秦誨

姓名。人。

蕝

東茅而立之。以表位次。

汝州

龍城

按唐汝州。隸縣七。無龍城。疑卽龍興。

南鄭

今陝西南鄭縣。

鄆州

卽東平郡。本治鄆城。後治須昌。鄆城。今山東鄆城縣。須昌。在今東平縣西北。

舞陽

今河南舞陽縣。

襄城

今河南襄城縣。

紱

綬也。

恫

痛也。

秦秦

積聚之貌。

晉評校古文辭類纂卷四十三終

武正公西山云按司馬文正公景祐中呂文正公執開封府知府知州攻定元會
知公執開封府知府知州攻定元會
落職知府知州攻定元會
年復舊職知州攻定元會
許公復舊職知州攻定元會
用仲淹復舊職知州攻定元會
即除龍圖閣直學士
陝西經略安撫副使
下亦以許公爲長不
惡又蘇文正公自饒
志復文正公自饒
不爲書之地無恐申
乃爲書之地無恐申
神去故歐陽公作解
相得之公後生不
皆安陽公後生不
邵氏開道見之乃信
正歐陽公後生不
從歐陽公後生不
等語公削去蘇軾然
允曰語公削去蘇軾然
弟擅曰語公削去蘇軾然
字令於石公故今羅

評校 音注 古文辭類纂卷四十四 碑誌類下編四

歐陽永叔資政殿學士文正范公神道碑銘○○

皇祐四年五月甲子。資政殿學士尚書戶部侍郎。汝南文正公。薨於徐州。以其
年十有二月壬申。葬于河南尹樊里之萬安山下。公諱仲淹。字希文。五代之際。
世家蘇州。事吳越。太宗皇帝時。吳越獻其地。公之皇考從錢俶朝京師。後爲武
寧軍掌書記。以卒。公生二歲而孤。母夫人貧無依。再適長山朱氏。既長。知其世
家。感泣去之南都。入學舍。掃一室。晝夜誦誦。其起居飲食。人所不堪。而公自刻
益苦。居五年。大通六經之旨。爲文章。論說必本於仁義。祥符八年。舉進士。禮部
選第一。遂中乙科。爲廣德軍司理參軍。始歸迎其母以養。及公既貴。天子贈公
曾祖蘇州糧料判官諱夢齡。爲太保。祖祕書監諱贊時。爲太傅。考諱墉。爲太師。
妣謝氏。爲吳國夫人。公少有大節。於富貴貧賤。毀譽歡戚。不一動其心。而慨然
有志於天下。常自誦曰。士當先天下之憂而憂。後天下之樂而樂也。其事上遇

州民本於崇落公館
安撫字使陝西公館
召相呂公六字又無復
自公坐置職已下
至故卒此觀之諸
家本乃當時定本也
羅氏本載改本也
政如朱文公答周所
益公書略云蓋嘗竊
謂呂公不事心者
亦多矣不合衆心者
之與已必力排之使
不得容於朝廷而後
已速其晚節歸於拂
之公議不可終不拂
亦以老病將終而拂
復有下所忌將終而
天復下所忌將終而
危賢之排去者何而
乘賢之排去者何而
起而用之則其罪必
之於孫以寧捐之故
愈爲收之於下意雖
計蓋其慮之憂實而
未必盡出於善天下
被其賜則與善天下
非公長貽力戰於天
者相去遠矣至若大
公之心則其正大光

人。一以自信。不擇利害爲趨捨。其所有爲。必盡其方。曰爲之自我者。當如是其成與否。有不在我者。雖聖賢不能必吾豈苟哉。天聖中。晏丞相薦公文學。以大理事丞爲祕閣校理。以言事忤章獻太后旨。通判河中府。久之。上記其忠。召拜右司諫。當太后臨朝聽政時。以至日大會前殿。上將率百官爲壽。有司已具。公上疏言。天子無北面。且開後世弱人主以强母后之漸。其事遂已。又上書請還政天子。不報。及太后崩。言事者希旨。多求太后時事。欲深治之。公獨以謂太后受託先帝。保佑聖躬。始終十年。未見過失。宜掩其小故。以全大德。初。太后有遺命。立楊太妃。代爲太后。公諫曰。太后母號也。自古無代立者。由是罷其册命。是歲大旱蝗。奉使安撫東南。使還。會郭皇后廢。率諫官御史伏閣爭。不能得。貶知睦州。又徙蘇州。歲餘。卽拜禮部員外郎。天章閣待制。召還。益論時政闕失。而大臣權倖多忌惡之。居數月。以公知開封府。開封素號難治。公治有聲。事日益簡。暇則益取古今治亂安危爲上開說。又爲百官圖以獻。曰。任人各以其材而百職修。堯舜之治。不過此也。因指其遷進遲速次序。曰。如此而可以爲公。可以爲

明固無宿怨而樂為承
其善意在國所為之
用其自訟而書才
相仲公淹份不才
德力亦無臨可謂
之傾倒而集矣恐
書今此宜刊去中
亦以此最為人難
盛德而公識之意
歐陽公亦識之而
但書之公前日之
世賢之補過其後
誠有之公心則其
一本之青天白終
一毫之可議若公
所謂者尤足見其
心量之廣高明於
為百世之師表則
忠宜不害其所守
亦不費詞說而名
不無復疑矣正言
至父云姚氏所引
本諸中一姚氏所
益校正語而正孫
錄失老孫校歐文
紹熙二年其時西
山已卒門人集辭
成故引孫語而辭

私亦不可以不察。由是呂丞相怒。至交論上前。公求對辨語切。坐落職。知饒州。明年呂公亦罷。公徙潤州。又徙越州。而趙元昊反河西。上復召相呂公。乃以公為陝西經略安撫副使。遷龍圖閣直學士。是時新失大將延州危。公請自守鄜。平晉延捍賊。乃知延州。元昊遣人遺書以求和。公以謂無事請和難信。且書有僭號。不可以聞。乃自為書。告以逆順成敗之說甚辯。坐擅復書。奪一官。知耀州。未逾月。徙知慶州。既而四路置帥。以公為環慶路經略安撫招討使。兵馬都部署。累遷諫議大夫。樞密直學士。公為將。務持重。不急近功小利。於延州築青澗城。墾營田。復承平永平廢寨。熟羌歸業者數萬戶。於慶州城大順以據要害。奪賊地而耕之。又城細腰胡蘆。於是明珠滅臧等大族皆去。賊為中國用。自邊制久隳。至兵與將常不相識。公始分延州兵為六將。訓練齊整。諸路皆用以為法。公之所在。賊不敢犯。人或疑公見敵應變為如何。至其城大順也。一旦引兵出。諸將不知所向。軍至柔遠。始號令告其地處。使往築城。至於版築之用。大小畢具。而軍中初不知賊以騎三萬來爭。公戒諸將戰而賊走。追勿過河。已而賊果走。

別白非西山手定也
其事遂已句吳至父
云蘇子瞻曰軾先正
修太常因革禮朝正
無諫止之事而有已
行文忠公曰文正公
實錄而卒不從墓碑
耳說也當以案牘爲
正碑

音注 古文辭類纂

碑誌類下編四

追者不渡。而河外果有伏賊失計。乃引去。於是諸將皆服公爲不可及。公待將吏必使畏法而愛已。所得賜賚皆以上意分賜諸將。使自爲謝。諸蕃質子縱其出入。無一人逃者。蕃酋來見。召之臥內。屏人徹衛。與語不疑。公居三歲。士勇邊實恩信大洽。乃決策取橫山。復靈武。而元昊數遣使稱臣。請和。上亦召公歸矣。初。西人籍爲鄉兵者十數萬。旣而黥以爲軍。惟公所部。但刺其臂。公去兵罷。獨得復爲民。其於兩路旣得熟羌爲用。使以守邊。因徙屯兵就食內地。而紆西人饋輓之勞。其所設施。去而人德之。與守其法不敢變者。至今尤多。自公坐呂公貶羣士大夫各持二公曲直。呂公患之。凡直公者皆指爲黨。或坐竄逐。及呂公復相。公亦再起被用於是。二公謹然相約戮力平賊。天下之士皆以此多二公。然朋黨之論遂起而不能止。上旣賢公可大用。故卒置羣議而用之。慶曆三年春。召爲樞密副使。五讓不許。乃就道。旣至數月。以爲參知政事。每進見必以太平責之。公歎曰。上之用我者至矣。然事有先後。而革弊於久安。非朝夕可也。旣而上再賜手詔趣使條天下事。又開天章閣召見。賜坐。授以紙筆。使疏於前。